

comme de leur enfer, & se iettēt avec de grandes huës sur ce braue homme, qui se vit plustost pris qu'il n'eust descouuert l'ennemi. Aussi tost la nouvelle nous est apportée que *Taratoüan* & *Teouatirhon* nostre Seminariste, estoient prisonniers. Nous pensions tous que le Pere Ragueneau estoit de la bande, mais quelques Hurons eschapperez de ce danger, nous raconterent comme vn peu de temps auparauant [220 i.e., 216] *Teouatirhon* l'auoit quitté pour descendre çà bas avec son oncle, ie m'oublois de dire que nos PP. qui estoient en la residence de la Conception aux trois Riuieres, entendant les bruits dont i'ai fait mention cy deffus, du massacre des deux François aux Hurons, & voians que *Teouatirhon* s'en voulant aller, renuerfoit le Seminaire, s'adresserent à Dieu, par l'entremise de nostre Pere S. Ignace, donans vne neufuaine de sacrifices en son honneur, à ce qu'il luy pleust conduire cēt affaire à la gloire de nostre souverain Maistre. Ils prierent à l'Autel, & ce grand Patriarche opera dans les cieus, quasi contre nostre attente. Car nous pensions tous que ce Seminariste ne retourneroit iamais, au commencement nous iugions qu'il s'alloit perdre en son païs, nonobstant toutes ses bonnes resolutions, car les occasions y font trop pressantes, puis aians entendu qu'il estoit tombé entre les mains des Hiroquois, nous croions aisement qu'il feroit brulé & mangé de ces loups deuorans; comme les pensées affligeoient nostre cœur, & que l'alarme des ennemis, faisans vn gros de cinq cens hommes battoit nos aureilles, voila qu'on vist paroistre vn canot d'Hiroquois sur la riuere, dans lequel on ne voioit qu'vn homme [221 i.e., 217] seul armé d'vne grande perche seulement, on ne sçauoit qu'en iuger. Le